

棘生零陵川谷及蜀郡八月九月採陰乾

藥性論云薔薇使味苦子治頭瘡白禿使

五臟客熱

陶隱居云營實即是薔薇子以白花者為

良根亦可煮釀酒莖葉亦可煮作飲

日華子云白薔薇根味苦澁冷無毒治熱

毒風癰疽惡瘡牙齒痛治邪氣通血經止

赤白痢腸風瀉血惡瘡疥癬小兒疳風肚

痛野白者用良

雷公云今薔薇也凡採得去根并用麤布

拭黃毛了用刀於槐砧上細剉用漿水拌

令濕蒸一宿至明出日乾用

禹錫云按蜀本圖經云即薔薇也葛洪治

金方用薔薇灰末一方寸七日三服之

外臺秘要方治鯁及刺不出薔薇根末水

服方寸七日三服

千金方治癰腫發背及癰節已潰爛疼痛

薔薇殼更多熨之即愈○又方治小兒疳

疳行數暴多生薔薇根洗淨切以適多少

濃煎汁稍稍飲之差

肘後方治口瘡以根避風打去土煮濃汁
溫合冷易聖惠方同

圖經衍義本草卷之十

正一天師清微弟子 洪百堅 製作

道教學術資訊網站

圖經衍義本草卷之十一

父四

宋通直郎辨驗藥材苑宗真編撰
宋大醫助教辨驗藥材許洪校正

草部上品之下

天名精

天名精



天名精味甘寒無毒主瘀血血癥欲死下血

止血利小便除小蟲去痺除骨中結熱止煩

渴逐水大吐下久服輕身耐老一名麥句薑

一名蝦蟇薑一名豕首一名天門精一名工

門精一名屍顏一名蟾蜍蘭一名觀生平原

澤五月採垣衣為之使

圖經曰天名精生平原川澤今江湖間皆有之夏秋抽條頗如薄荷花紫白色葉如菘菜而小故南人謂之地菘香氣似蘭故名蟾蜍蘭狀如藍故名蝦蟆藍其味甘辛故名麥句薑一名豕首爾雅所謂菡藍豕首是也江東人用以熬燭蚕蛹五月採此草既名地菘下品又有地菘藥性論云麥句薑使味辛治瘡止血及鼻衄不止

陶隱居云即今人呼為豕首亦名豕首夏月搗汁服之除熱病味至苦而云甘忍或非是

陳藏器云天名精本經一名麥句薑蘇云鹿活草也爾雅云大鞠遠麥注云麥句薑遠麥即今覆麥然然非麥句薑爾雅注錯如此陶公注鈎樟條云有一草似狼牙氣辛臭名為地菘人呼為劉爐草王金彥言劉爐昔曾用之吳苑云青州劉爐宋元嘉中射魯剖五藏以此草塞之燃然而起爐怪之拔草便倒如此三度爐密錄此草種

之主傷折多愈因以名焉既有活鹿之名雅與麝事相會陶蘇兩說俱是地菘功狀既同定非二物

唐本註云鹿活草是也別錄一名天蔓菁南人名為地菘味甘辛故有薑稱狀如藍

故名蝦蟆藍香氣似蘭故名蟾蜍蘭主破血生肌止渴利小便殺三蟲除諸毒腫疔瘡癩痔金瘡內射身痒癢不止者搗之立已其豕首若而臭名精乃辛而香全不相類

爾雅云菡藍豕首釋曰藥名也一名麥句薑郭云江東豕首可以燭蚕蛹者三蒼云燭熬也

沈明子



沈明子



沈明子味鹹苦甘平微寒無毒主青盲目淫膚赤白膜眼赤痛淚出瘡唇口青久服益精光輕身生龍門川澤石決明生豫章十月十日採陰乾百日著實為之使惡大麻子

圖經曰決明子生龍門川澤今處處有之人家園圃所蒔夏初生苗高三四尺許根帶紫色葉似首霜而大七月有花黃白花其子作穗如青菘豆而銳十月十日採陰乾百日

藥性論云決明臣利五藏常可作菜食之又除肝家熱朝朝取一匙按令淨空心吞之百日夜見光

陶隱居云龍門乃在長安比今處處有之葉如苧苳子形似馬蹄呼為馬蹄決明用之當構細又別有草決明是葉蒿子在下品中也

日華子云馬蹄決明助肝氣益精水調末塗消腫毒協太陽穴治頭痛又貼膈心止

鼻洪作枕勝黑豆治頭風明目也

禹錫云按唐本云石決明是蚌蛤類形似紫目附見別出在魚獸條中皆主明目故並有決明之名俗方惟以療眼也道術時須

蜀本圖經云葉似首蓓而闊大夏花秋生子作角實似馬蹄俗名馬蹄決明今出廣州桂州十月採子陰乾

外臺秘要方治積年失明不識人決明子二升杵散食後以粥飲服方寸匕

衍義曰決明子苗高四五尺春亦為蔬秋深結角其子生角中如羊腎今湖南北人家園圃所種甚多或在村野或成段種蜀本圖經曰葉似首蓓而闊大甚為允當

丹參



味苦微寒無毒主心腹邪氣腸鳴幽如走水寒熱積聚破癥除瘕止煩滿益氣去心腹痼疾結氣腰脊強脚痺除風邪留熱久服利人一名卸蟬草一名赤參一名木羊乳生桐柏山川谷及太山五月採根暴乾

長鹹水反藜蘆
圖經曰丹參生桐柏山川谷及太山今陝西河東州郡及隨州亦有之二月生苗高一尺許莖葉方稜青色葉生相對如薄荷而有毛三月開花紅紫色似蘇花根亦大如指長亦尺餘一苗數根五月採暴乾又云冬月採者良夏月採者虛惡

藥性論云丹參臣平能治脚弱痺主中惡治百邪鬼魅腹痛氣作聲音鳴吼能定精神
陶隱居云桐柏山在義陽非江東臨海之桐柏也今近道處處有莖方有毛紫花時人呼為逐馬酒漬飲之療風痺道家時有用處時人服多眼赤故應性熱今云微寒恐為謬矣

日華子云養神定志通利閔脉治冷熱勞骨節疼痛四肢不遂排膿止痛生肌長肉破宿血補新生血安生胎落胎止血崩帶下調婦人經脉不勻血邪心煩惡瘡疥癬癩瘻腫毒丹毒頭痛赤眼熱溫狂悶又名山參

蕭炳云酒浸服之治風軟脚可逐奔馬故名奔馬草曾用有效

聖惠方治寒疾小腹及陰中相引痛白汗出欲死丹參二兩杵為散每服熱酒調下二錢七

千金方治落胎身下有血丹參十二兩以酒五升煮取二升溫服一升溫三服
梅師方治中熱油及火燒除外痛丹參八兩細剉以水微調取羊脂二斤煎三上三下以傳瘡上肘後方同

茜根





茜根 味苦寒無毒主寒濕風痺黃疸補中止
血內崩下血膀胱不足踉蹌蠱毒久服益精
氣輕身可以染絳一名地血一名茹蘆一名
茅鬼一名舊生喬山川谷二月三月採根暴
乾畏鼠姑

圖經曰陸機草木疏云茹蘆茅鬼舊草也
齊人謂之茜徐州人謂之牛蔓二三月採
根暴乾

藥性論云茜根味甘主治六極傷心肺吐
血瀉血用之

陶隱居云此則今染絳茜草也東閩諸處
乃有而少不如西多今俗道經方不堪服
用此當以其為療少而豐賤故也詩云茹
蘆在坂者是

陳藏器云茜根主蠱毒汗服之今之染絳
者字亦作荷同禮庶民掌除蠱毒以嘉草
攻之嘉草藜荷與茜主蠱為最也
日華子云味酸止鼻洪帶下產後血運乳

結月經不止勝風痔瘻排膿治瘡癰泄精
尿血撲損瘀血酒煎服殺蠱毒入藥剉炒
用

雷公云凡使勿用赤柳草根真似茜根只
是味酸澁不入藥中用若服能令人患內

障眼速服甘草水解之即毒氣散

禹錫云按蜀本圖經云染絳草葉似藜葉

頭尖下闊莖葉俱澁四五葉對生節間蔓

延草木上根紫赤色今所在有八月採根

簡要濟衆方治吐血茜草一兩生搗羅為

散每服二錢水一中盞煎七分放冷食後
服

傷寒類要方治中蠱毒或吐下血如爛肝

茜草根裏荷葉根各三兩切以水四升煮

取一服去滓適寒溫頓服即愈

五味子



五味子 味酸溫無毒主益氣救逆上氣勞傷
羸瘦補不足強陰益男子精養五藏除熱生

陰中肌一名會及一名玄及生齊山山谷及

代郡八月採實陰乾後蒙為之使惡萎藜勝

烏頭

圖經曰今河東陝西州郡尤多而梳越間
亦有春初生苗引赤蔓於高木其長六七

尺葉尖圓似杏葉三四月開黃白花類小

蓮花七月成實如豌豆許大生青熟紅紫

爾雅云葇葇藉注云五味也蔓生子葇葇

端疏云一名葇一名葇藉今有數種大抵

相近而以味甘者為佳

藥性論云五味子君能治中下氣止嘔逆

補諸虛勞令人體悅澤除熱氣病人虛而

有氣兼嗽加用之

陶隱居云今第一出高麗多肉而酸甜次出青州冀州味過酸其核並似猪腎又有建平者少肉核形不相似味苦亦良此藥多膏潤烈日暴之乃可搗篩道方亦須用唐本註云五味皮肉甘酸核中辛苦有鹹味此則五味具也

日華子云明目暖水藏冷風下氣消食霍亂轉筋痲痺貴純冷氣消水腫反胃心腹氣脹止渴除煩熱解酒毒壯筋骨

雷公云凡小顆皮皺治者有白撲鹽霜一重其味酸鹹苦辛甘味全者真也

抱朴子云移門子服五味子十六年而色如玉女入水不露入火不灼

衍義曰五味子今華州之西至秦州皆有之方紅熟時採得蒸爛研濾汁去子熬成

稀膏量酸甘入蜜再火上待蜜熟俟冷突中貯作湯肺虛寒人可化為湯時時服作

果可以寄速本經言溫令食之多致虛熱小兒益甚藥性論以謂除熱氣○日華子云謂暖水藏又曰除煩熱後學至此多惑

今既用之治肺虛寒則更不取除煩熱之說補下藥亦用之入藥生曝不去子

旋花



味甘溫無毒主益氣去面好黑色媚好其根味辛主腹中寒熱邪氣利小便久服不

饒輕身一名筋根花一名金沸一名美草生豫州平澤五月採陰乾

圖經曰南人皆去為續筋根苗作葦葉似山芋而狹長花白夏秋間遍田野根無毛節蒸煮堪噉甚甘美五月採花陰乾二

月八月採根日乾花今不見用者下品有旋復花與此殊別

陶隱居云東人呼為山姜南人呼為美草根似杜若亦似高良姜腹中冷痛煮服甚效作丸散服之辟穀止飢近有人從南還

遂用此術與人斷穀皆得半年百日不飢不瘦但志淺嗜深不能久服爾其葉似姜花赤色味辛美子狀如豆蔻此旋花之名即是其花也今山東甚多

陳藏器云旋花本功外取根食之不飢又取根苗搗絞汁服之主丹毒小兒毒熱根

主續筋骨合金瘡陶注誤而唐注是也唐本註云此即生平澤旋菑是也其根似

筋故一名筋根旋花徐亮反陶所證真山姜爾陶復於下品旋菑注中云此根出河

南北國來根似芎藭惟膏中用今復道似高良姜二說自相矛盾且此根味甘山姜

味辛都非此類其旋菑膏瘰癧逐水用花言根亦無妨然不可以杜若亂之也又將旋菑花名金沸作此別名非也別錄云

根主續筋也

救急方續斷筋法取旋菑草根淨洗去土
擣量瘡大小傳之日一二易之乃瘥止一
名肥腸草俗謂鼓子花也黔南出一種旋
花藤莖大葉無花不作蔓怨別是一物也
衍義曰旋花蔓生今之河北京西關陝田
野中甚多最難鋤艾治之又生世人謂之
鼓子花言其形肖也四五月開花亦有多
葉者其根寸截置土下頻灌溉方涉旬苗
已生蜀本圖經是矣

蛇床子

南州



蛇床子 味苦辛 甘平 無毒 主婦人陰中腫痛

男子陰痿濕痒除痺氣利關節癩癧惡瘡温
中下氣令婦人子藏熱男子陰強久服輕身
好顏色令人有子一名蛇粟一名蛇米一名
虺牀一名思益一名繩毒一名菓棘一名牆
靡生臨淄川谷及田野五月採實陰乾惡牡
丹巴豆貝母

圖經曰蛇床子三月生苗高二三尺葉青
碎作叢似蒿枝每枝上有花頭百餘結同
一窠似馬芹類四五月開白花又似散水
子黃褐色如黍米至輕虛五月採實陰乾
藥性論云蛇床子君有小毒治男子婦人
虛濕痺毒風瘡痛去男子腰疼浴男女陰
去風冷大益陽事主大風身痒煎湯浴之
差療齒痛及小兒驚癇
陶隱居云近道田野墟落間甚多花葉正
似蘼蕪唐本注云爾雅一名肝
日華子云治暴冷煖丈夫陽氣助女子陰
氣撲損瘀血腰膝陰汗濕癬四肢頑痺
赤白帶下縮小便凡合藥取食即搽去皮
殼取仁微炒殺毒即不辣作湯洗病則生

使

雷公云凡使須用濃藍汁并百部草根自
然汁二味同浸二伏時漉出日乾却用生
地黃汁相拌蒸從午至亥日乾用此藥只
令陽氣盛數號曰鬼考也

禹錫等按蜀本圖經云似小葉芍藥花白
子如黍粒黃白色生下濕地本所在皆有
出揚州襄州者良採子暴乾
千金方治產後陰下脫蛇床子縮袋感蒸
熨之○又方治小兒癩瘡蛇床子末和猪
脂塗之
金匱方温中生藥蛇床子散方蛇床子仁
為末以白粉少許和令勻相得如粟大綿
裹內之自然温矣

地膚子

家州



別



地膚子 味苦寒無毒主勝熱利小便補中益精氣去皮膚中熱氣散惡瘡癬強陰久服耳目聰明輕身耐老使人潤澤一名地葵一名地麥生荊州平澤及田野八月十月採實陰乾

圖經曰地膚子生荊州平澤及田野今蜀川關中近地皆有之初生薄地五六寸根形如蒿莖赤葉青大似荊芥三月開黃白花八月九月採實陰乾用陶隱居謂莖苗可為掃帚者蘇恭云苗極弱不能勝舉二說不同而今醫家便以為獨掃是也故蘇注云其葉味苦寒無毒主大腸洩瀉止赤白痢和氣益腸胃解惡瘡毒三四月五月採藥性論云地膚子君一名益明與陽起石

同服主丈夫陰痿不起補氣益力治陰卵瘻疾去熱風可作湯沐浴

陶隱居云今田野間亦多皆取莖苗為掃帚子微細入補丸散用仙經不堪用

唐本註云地膚子田野人名為地麥草葉細莖亦多出熟田中苗極弱不能勝舉云堪為掃帚恐人未識之別錄云搗取版汁主赤痢洗目去熱暗雀盲苗灰主痢亦善北人亦名涎衣草

外臺祕要方治目痛及昧忽中傷目有熱暝者取地膚子白汗注目中○又方治手足煩疼地膚草三兩水四升煮取二升半分三服日二劑

時後方治積年久疥腰痛有時發動六月七月取地膚子乾末酒服方寸七日五六服

子母秘錄方治妊娠患淋小便數去少忽熱痛酸索手足痠煩地膚子十二兩初以水四升煎取二升半分溫三服
楊氏產乳療小便數多或熱痛酸楚手足

煩疼地膚草三兩以水四升煮取二升半三服

千歲菜



千歲菜 汁味甘平無毒主補五藏益氣續筋骨長肌肉去諸痺久服輕身不飢耐老通神明一名養無生太山川谷

圖經曰千歲菜生太山川谷作藤生蔓延木上葉如葡萄而小四月摘其莖汁白而甘五月開花七月結實八月採子青黑微赤冬惟凋葉此即詩云葛藟者也蘇恭謂是嬰真藤深為誤安陶隱居陳藏器說最得之
陶隱居云作藤生樹如葡萄葉如鬼排蔓延木上汁白今俗人方藥都不復識用此仙經數處須之而遠近道俗咸不識此非

甚異物正是末所訪尋識之爾草木疏云一名苞芥連蔓而生子亦可食毛詩云葛藟注云似葛之草也此藤大者蓋薄故云千歲藥謂其葉者深是妄言

日華子云味甘酸止渴悅色年多大者佳

莖葉同用又名慶真藤

衍義曰千歲藥唐開元末訪隱民姜撫已幾百歲召至集賢院言服常春藤使白髮還鬢則長生可致藤生太湖終南往往有

之帝遣使多取以賜老臣詔天下使自求

之權撫銀青光祿大夫號沖和先生又言

終南山有旱藕餅之延年狀類葛粉帝取

之作湯餅賜大臣右驍騎將軍甘守誠曰


常春者千歲藥也旱藕者杜蒙也方家久

不用撫易名以神之民間以酒漬藤飲者

多暴死乃止撫內懇請求藥牢山遂逃去

今書之以備世疑

景天



味苦酸平無毒主大熱火瘡身熱煩邪

惡氣諸瘡毒痂死寒熱風痺諸不足○花主

女人漏下赤白輕身明目久服通神不老一

名戒火一名火母一名救火一名椽火一名

慎火生太山川谷四月四日七月七日採陰

乾

圖經曰景天生太山山谷今南北皆有之

人家多種於中庭或以盆盛植於屋上云

以辟火謂之慎火草春生苗葉似馬齒而

大作層而上莖極脆弱夏中開紅紫碎花

秋後枯死

陶隱居云今人皆盆盛養之於屋上云以

辟火葉瘰癧瘡止血以洗浴小兒去煩熱

驚風

日華子云景天冷治心煩熱狂赤眼頭痛

寒熱遊風丹腫婦人帶下

禹錫云按蜀本圖經云慎火草葉似馬齒

芎而大藥性論云景天君有小毒能治風

癩惡瘡小兒丹毒及治發熱驚痰花能

明目

外臺秘要方治癰瘡以慎火草一斤搗絞

取汁傳上熱炙模之再三即差

千金方治小兒丹發慎火草生一握搗絞

汁以拭之搗上日十遍夜三四遍譚氏小

兒方同

楊氏產乳方療煙火丹發從背起或兩脇

及兩足赤如火景天草真珠末一兩搗和

如泥塗之○又方療營火丹從頭起慎火

草搗和苦酒塗之

衍義曰景天陶隱居既云今人皆盆盛養

之於屋上即知是草藥又言廣州城外有

一株云可三四圍呼為慎火木既曰云即

非親見也蓋是傳聞亦非誤耳乃陶之輕

聽也然極易種但折生枝置土中頻澆既

旬日便生根澆研取汁塗火心瘡甚驗乾

為末水調掃游風赤腫頻熱者

茵陳蒿



茵陳 味苦平微寒無毒主風濕寒熱邪氣熱結黃疸通身發黃小便不利除頭熱去伏瘕久服輕身益氣耐老面白悅長年白免食之仙生太山及丘陵坡岸上五月及立秋採陰乾

圖經曰江寧府又有一種茵陳葉大根羸黃白色至夏有花實階州有一種名白蒿亦似青蒿而背白本土皆通入藥用之今南方醫人用山茵陳乃有數種本草論之但有茵陳蒿而無山茵陳本草注云茵陳

蒿葉似蓬蒿而緊細今京下北地用為山茵陳者是也大體世方用山茵陳療腦解傷寒發汗行肢節滯氣化痰利膈治勞倦諸家議論謂家茵陳亦能解脫下膈去背中煩方家少用但可研作飲服之本草所無自出俗方茵陳蒿復當別是一物主療自異不得為山茵陳此說亦未可據但以功較之則江南者為勝藥性論云茵陳蒿使味苦辛有小毒治眼目通身黃小便赤

陶隱居云今處處有似蓬蒿而葉緊細莖冬不死春又生惟入療黃疸用仙經云白蒿白兔食之仙而今茵陳乃云此恐是誤爾

陳藏器云茵陳本功外通關節去滯熱傷寒用之雖蒿類茵細經冬不死更因舊蒿而生故名茵陳後加蒿字也今又詳此非菜中茵陳也日華子云石茵陳味苦涼無毒治天行時疾熱狂頭痛頭旋風眼疼瘴瘧女人癩癩

并悶損乏絕又名茵陳蒿山茵陳本出和州及南山嶺上皆有雷公云凡使須用葉有八角者採得陰乾去根細剉用勿令犯火千金方治遍身風痒生瘡疥茵陳不計多少煮濃汁洗之立瘥

食醫心鏡方茵陳主除大熱黃疸傷寒頭痛風熱瘴癘利小便切煮羹生食之亦宜衍義曰茵陳蒿張仲景治傷寒熱甚發黃者身面悉黃用之極效又一僧因傷寒後發汗不徹有留熱身面皆黃多熱期年不愈醫作食黃治之治不對病不去問之食不減尋與此藥服五日病減三分之一十日減三分之二二十日病悉去方用山茵陳山梔子各三分秦芫升麻各四錢末之

每用三錢水四合煎反二合去滓食後溫服以知為度然此藥以茵陳蒿為本故書之

杜若



杜衡 味辛微温無毒主官腸下逆氣温中風

入腦戶頭痛腫多涕淚出眩倒目眩切 止瀉除口臭氣久服益精明目輕身令人不忘一名杜衡一名杜蓮一名白蓮一名白苓一名若芝生武陵川澤及宛甸二月八月採根暴乾得辛夷細辛良惡此胡前胡


圖經曰杜若生武陵川澤及宛甸今江湖多有之葉似姜花赤色根似高良姜而小辛味子如豆寇二月八月採根暴乾用謹按此草一名杜衡而中品自有杜衡條杜衡爾雅所謂土鹵者也杜若黃雅所謂楚衡者也
陶隱居云今處處有葉似姜而有文理根似高良姜而細味辛香又絕似旋復根殆欲相亂葉小異爾雅詞云山中人芳杜若此者一名杜衡今復別有杜衡不相似

雷公云凡使勿用鴨嘴草根相似只是味效不同凡修事採得後刀刮上黃赤皮了細剉用三重絹作袋盛陰乾臨使以蜜咬一夜至明流出血

禹錫云按蜀本圖經云苗似山姜花黃赤子赤色大如棘子中似豆寇今出砍州嶺南者好

沙參

沙參 **沙參**



沙參 味苦微寒無毒主血積驚氣除寒熱補中益肺氣療胃痺心腹痛結熱邪氣頭痛皮間邪熱安五藏補中久服利人一名知母一名苦心一名志取一名虎鬚一名白參一名

識美一名文希生河內川谷及宛甸般陽續山二月八月採根暴乾惡防已反藥產

圖經曰今出潞齊路隨州而江淮荆湖州郡或有之苗長一二尺以來叢生崖壁間葉似枸杞而有又牙七月開紫花根如葵

根筋許大赤黃色中正白實者佳二月八月採根暴乾古方亦單用葛洪卒得諸症小腹及陰中相引痛如絞白汗出欲死者搗篩末酒服方寸匕立差

藥性論云沙參臣能去皮膚浮風而氣下

墜治常欲眠養肝氣宜五藏風氣陶隱居云今出近道叢生葉似枸杞根白實者佳此沙參并人參是為五參其形不盡相類而主療頗同故皆有參名又有紫參正名杜蒙在中品

唐本註云紫參杜蒙各是一物非異名也今沙參出華州為善

日華子云補虛止驚煩益心肺并一切惡瘡疥癬及身痒排膿消腫毒

徐長卿

細辛



龍骨



細辛 味辛溫無毒主鬼物百精蠱毒疫疾邪惡氣溫瘧久服強悍輕身益氣延年一名鬼督郵生太山山谷及隴西三月採

龍骨 圖經曰徐長卿生太山山谷及隴西今淄齊淮泗間亦有之三月生青苗葉似小荊兩兩相當而有光潤七八月著子似蘿摩而小

陶隱居云鬼督郵之名甚多今俗用徐長卿者其根正如細辛小短扁爾氣亦相似今狗脊散用鬼督郵當取其強悍宜腰脚

所以知是徐長卿而非鬼督郵赤箭唐本註云此藥葉似柳兩葉相當有光澤所在川澤有之根如細辛微蘧長而有燥氣今俗用代鬼督郵非也鬼督郵別有本條在下

雷公云凡採得蘧將拌少蜜今通用甕器血盛蒸三伏時日乾用

禹錫云按蜀本圖經云苗似小麥兩葉相對三月苗青七月八月著子似蘿摩子而小九月苗黃十月凋生下濕川澤之間今所在有之八月採日乾

龍骨 味苦微寒微溫無毒主心腹邪氣小便不利淋閉風濕鬼疰惡毒補內虛不足痞滿身無潤澤出汗除莖中熱痛殺鬼疰惡毒氣久服補虛羸輕身耳目聰明延年一名龍鬚一名草續斷一名龍珠一名龍華一名懸莞一名草毒九節多味者良生梁州山谷濕地五月七月採莖暴乾

陶隱居云莖青細相連實赤今出近道水石處似東陽龍鬚以作席者但多節爾

陳藏器云按龍鬚作席彌敗有垢者取方尺葉汁服之主淋及小便卒不通今出汾州亦處處有之

唐本註云別錄云一名方實主療蛇蟲及不消食爾今按別本注別錄云微溫今之服用能除熱蓋不溫也

禹錫云按蜀本圖經云莖如龍鬚生俗名龍鬚草今人以為席所在有之八九月採根暴乾

雲實

雲實



雲實 味辛苦溫無毒主洩痢腸澼殺蟲蠱毒去邪惡結氣止痛除寒熱消渴○花主見鬼精物多食令人狂走殺精物下水燒之致鬼久服輕身通神明益壽一名員實一名雲英一名天豆生河間川谷十月採暴乾

圖經曰雲實生河間川谷高五六尺葉如

槐而狹長枝上有刺苗名臭草又名羊石
子草花黃白色實若麻子大黃黑色俗名
馬豆十月採暴乾用今三月四月採苗五
月六月採實實過時即枯落治瘡藥中多
用之

陶隱居云今處處有子細如葶藶而小黑
其實亦類養若燒之致鬼末見其法術
唐本註云雲實大如黍及大麻子等實黑
似豆故名天豆叢生澤傍高五六尺葉如
細槐亦如苜蓿枝間微刺俗謂苗為草雲
母陶云似葶藶非也

雷公云凡使採得後羸搗相對拌淨預豫
實蒸一日後出用

禹錫云按蜀本圖經云葉似細槐花黃白
其莢如大豆實青黃色大若麻子今所在
平澤中有五月六月採實

王不留行



王不留行

王不留行味甘平無毒主金瘡止血逐痛
出刺除風痺內寒止心煩鼻衄癰疽惡瘡癰
乳婦人難產久服輕身耐老增壽生太山
山谷二月八月採



圖經曰王不留行生太山山谷今江浙及
並河近處皆有之苗莖俱青高七八寸已
來根色黃如薺根葉尖如小匙頭亦有似
槐葉者四月開花黃紫色隨莖而生如松
子狀又似猪藍花五月內採苗莖曬乾用
俗間亦謂之剪金草河北生者葉負花紅
與此小別張仲景治金瘡八物王不留行
散小瘡粉其中大瘡但服之產婦亦服正
元廣利方瘰癧風煙有王不留行湯最好
陶隱居云今處處有人言是蓼子亦不爾
葉似酸漿子似菘子而多入癰瘰方用之

日華子云治發背遊風風癰婦人血經不
勻及難產根苗花子通用又名禁宮花剪
金花

雷公云凡採得拌淨蒸從已至未出却下
漿水浸一宿至明出焙乾用之

梅師方治竹木針刺在肉中不出疼痛以
王不留行為末熟水調方寸七即出

地不容

地不容



地不容味苦大寒無毒主解蠱毒止煩熱辟
瘴癘利喉閉及疲毒一名解毒子生山西谷
採無時

圖經曰地不容生戎州味苦大寒無毒蔓
生葉青如杏葉而大厚硬凌冬不凋無花
實根黃白色外皮微羸榻累累相連如藥
實而圓大能解蠱毒辟瘴氣治咽喉閉塞
鄉人亦呼為解毒子也

100114 B 17-4

飛

味苦平無毒主骨節熱腫重酸疼頭眩
頂重皮間邪風如蜂螫針刺魚子細起熱瘡
癰疽痔濕痺止風邪咳嗽下乳汁久服令人
身輕益氣明目不老可養可乾一名漏蘆一
名天養一名伏猪一名飛輕一名伏兔一名
飛雉一名木禾生河內川澤正月採根七月
八月採花陰乾得烏頭良惡麻黃

陶隱居云處處有之似苦艾惟葉下附莖
輕有皮起似箭羽葉又多刻缺花紫色俗
方殆無用而道家服其枝莖可得長生又
入視枕方今既別有漏蘆則非此別名爾
禹錫云按蜀本圖經云葉似苦艾莖似輕
羽此花子毛白今所在平澤皆有五月六
月採

蕭炳云小兒疳痢為散以漿水下之大效
千金翼方治疳食口齒及下部飛廉蒿
燒灰搗篩以兩錢匕著痛處甚痛忍之若
不痛非疳也下部蟲如馬尾大相纏出無
數十日瘥二十日平復
陶味辛平無毒主利水道殺蟲毒辟不祥

陰實中痰癖久服益氣輕身不老通神明一
名水香生大吳池澤四月五月採

衍義曰蘭草諸家之說異同是曾未的識
故無定論葉不香惟花香今江陵鼎澧州
山谷之間頗有山外平田即無多生陰地
生於幽谷益可驗矣葉如麥門冬而闊且
韌長及一二尺四時常青花黃中間葉上
有細紫點有春芳者為春蘭色深秋芳者
為秋蘭色淡秋蘭稍難得二蘭移植小盤
中置座右花開時滿室盡香與他花香又
別唐白樂天有種蘭不種艾之詩正為此
蘭矣今若見用者本經錄注八月花白此
即澤蘭也
陶味甘溫無毒主寒熱身腫久服輕身長
年益壽十二月採陰乾

陶隱居云今處處皆有似藤生凌冬不凋
故名忍冬人取煮汁以釀酒補虛療風仙
經少用此既長年益壽甚可常採服凡易
得之草而人多不肯為之更求難得者是
貴遠賤近之情乎

禹錫云拊藥性論云忍冬亦可單用味辛
主治腹脹滿能止氣下辟

肘後方飛尸者遊走皮膚穿藏腑每發刺
痛變作無常通尸者附骨入肉攻鑿血脉
每發不可得近見屍長聞哀哭便作風
者淫躍四肢不知痛之所在每發昏恍得
風雪便作沉尸者纏骨結藏衝心脇每發
絞切遇寒冷便作尸注者舉身沉重精神
錯雜常覺昏癡每節氣改變輒發大惡此
一條別有治後復也忍冬莖葉割數耐煮
令濃取汁煎之服如雜子一枚日二三服

陶味苦平微寒無毒主風濕痺歷節痛驚
癇吐舌悸氣賊風鼠瘻癰腫暴癩逐水療癩
癩久服輕身明目一名藥街一名承膏一名
承肌一名無心一名無頭生漢中川澤及寬
句邯鄲七月採莖葉陰乾得秦皮良
陳藏器云婦人服之絕產無子

唐本註云此草叢生似芫蔚及白頭翁其
葉有毛莖赤瘰賊風大效南人謂之兵風
草一名鹿街草言鹿有疾銜此草差又有

小大二種楚人猶謂大者為大吳風草小者為小吳風草也

白葛味甘苦平無毒主蛇虺蜂蠆狗咬菜肉毒鬼疰風疰諸大毒不可入口者皆消除之又去血可木著痛上立消毒入腹者煮飲之即解一名白葛生交州山谷

陶隱居云此藥療毒莫之與敵而人不復用殊不可解都不聞有識之者想當似葛爾須別廣訪交州人未得委悉

唐本注云此草荆襄間山谷大有苗似蘿

摩葉圓厚莖俱有白毛與眾草異蔓生山南俗謂之白葛用療毒有效

禹錫云按蜀木圖經云蔓生葉圓若蓀今襄州北汝州南岡上有五月六月採苗日乾

海藥云上風邪熱極宜煮白兔藿飲之乾則情未傳諸毒妙

見毒味辛苦平無毒主鬼疰卒忤中惡心腹邪氣百精毒温瘧疫疾強脚益精力一名獨搖草

唐本註云苗惟一葉葉生莖端若傘根如牛膝而細黑所在有之亦叢生今人以徐長卿代之非也唐本先附

雷公云凡採並細到了搗用生甘草水煮一伏時漉出用也

白藤味苦寒無毒主解諸藥菜肉中毒酒漬服之主虛勞風熱生嶺南交州廣州平澤

唐本註云苗似野葛而白花根皮厚肉白其骨柔於野葛唐本先附

雷公云凡使勿用菜花藤緣其似白花藤

只是味不同菜花藤酸澁不堪用其白花藤味甘香採得後去根細剉陰乾用之

人肝藤主解諸毒藥腫透風脚手輭痺並研服之亦煮服之亦傳病上生嶺南葉三極花紫色一名承露仙又有伏雞子亦名承露仙葉圓與此名同物異

海藥云廣志云生嶺南山石間引蔓而生主蠱毒及手脚不遂等風生研服

越王藤味鹹平無毒主下水破結氣生南海水中如竹筍子長尺許異苑曰晉安有越

王餘筍葉白者似骨黑者似角云是越王行海作筍有餘并於水中而生

海藥云味鹹温主水腫浮氣結聚宿滯不消腹中虛鳴並宜煮服之

石味甘平無毒下水利小便生南海中水石上南越志云似紫菜色青臨海異物志曰附石生也

海藥云主風秘不通五隔氣并小便不利臍下結氣宜煮汁飲之胡人多用治耳疾

海味苦小温無毒主霍亂中惡心腹痛鬼氣注忤飛尸喉痺蠱毒癰疽惡腫赤白遊眈蛇咬大毒酒及水磨服傳之亦佳生會稽海畔山谷莖赤葉似馬蓼根似莪莫而小也海人極用之

圖經衍義本草卷之十一